



Broj:01- 33-5-5013/20
Sarajevo, 18.03.2020. godine

Predmet: Saopštenje za osigurana lica Zavoda, poslodavce i ugovorne zdravstvene ustanove

Zaključkom Vlade Federacije BiH V.broj 165/2020 od 31.01.2020. godine pojava novog koronavirusa (COVID-19) proglašena je zaraznom bolešću čije je spriječavanje i suzbijanje od interesa za Federaciju BiH. U vezi s tim, a u cilju pojašnjenja zakonskih odredbi o mogućnosti utvrđivanja privremene spriječenosti za rad i po tom osnovu prava na naknadu plaće zaposlenih – osiguranih lica ovog Zavoda, kao jednog od prava po osnovu obaveznog zdravstvenog osiguranja, obavještavamo vas o slijedećem:

U slučaju privremene spriječenosti za rad zaposlenih osiguranih lica Zavoda nad kojima se provode mjere prevencije širenja novog koronavirusa (COVID-19), saglasno Zakonu o zaštiti stanovništva od zaraznih bolesti FBiH, odnosno kojima je određena mjera: izolacija u kući, stavljanje pod zdravstveni nadzor, izolacija, hospitalizacija i liječenje u zdravstvenoj ustanovi, karantena i druge mjere naložene od strane nadležnog epidemiologa, federalnog graničnog sanitarnog inspektora, kantonalnog sanitarnog inspektora, nadležnog ministra zdravstva, rješenjem ili drugim odgovarajućim aktom, takva lica za vrijeme privremene spriječenosti za rad imaju pravo na naknadu plaće u smislu odredbe člana 42. stav (1) tačka 3, a u vezi sa članom 57. Zakona o zdravstvenom osiguranju ("Službene novine Federacije BiH" 30/97, 7/02, 48/11, 36/18). Navedenim članovima je regulisano da osigurana lica iz člana 19. ovog Zakona tačke 1. do 7. i tačke 16. i 17. imaju pravo na naknadu plaće za vrijeme privremene spriječenosti za rad ukoliko su izolovana kao kliconoše ili zbog pojave zaraze u njihovoj okolini. Naknada plaće u vezi s navedenim slučajevima, isplaćuje se osiguraniku na teret sredstava kantonalnog zavoda zdravstvenog osiguranja od prvog dana korišćenja prava u skladu sa općim aktom Zavoda, koji reguliše ostvarivanje ovog prava. Naknadu plaće obračunava i isplaćuje pravno odnosno fizičko lice, kod kojeg je osiguranik zaposlen, s tim da je kantonalni zavod zdravstvenog osiguranja obavezan vratiti isplaćenu naknadu u roku od 45 dana od dana prijema zahtjeva za povrat.

Privremenu spriječenost za rad u slučajevima provođenja naređenih mjera prevencije širenja koronavirusa, a na osnovu rješenja ili drugog odgovarajućeg akta gore navedenih nadležnih organa, utvrđuje izabrani doktor primarne zdravstvene zaštite.

Ističemo da u slučaju osiguranika nad kojima se ne provode mjere u prevenciji širenja koronavirusa, odnosno kojima izolacija nije određena od strane nadležnog epidemiologa, federalnog graničnog sanitarnog inspektora, kantonalnog sanitarnog inspektora, nadležnog ministra zdravstva, rješenjem ili drugim odgovarajućim aktom, već izostaju sa radnog mjesta prema nalogu ili u dogovoru sa poslodavcem, ne postoje indikacije za utvrđivanje privremene spriječenosti za rad, te u vezi s tim ni ostvarivanje prava na naknadu plaće na teret sredstava ovog Zavoda.

Shodno navedenom, ponovno ističemo da osiguranici koji su u radnom odnosu navedeno pravo u skladu sa Zakonom o zaštiti stanovništva od zarazne bolesti, kao i pravo na naknadu plaće po

tom osnovu, mogu ostvariti samo ukoliko su se uredno javili svom izabranom doktoru primarne zdravstvene zaštite i pridržavaju se propisanih mjera i uputa izabranog doktora, odnosno gore navedenih nadležnih organa u provođenju mjera prevencije širenja koronavirusa (COVID-19).

Naglašavamo potrebu i obavezu da se sva osigurana lica Zavoda i zdravstveni radnici, kao i ostali građani, dosljedno pridržavaju svih propisanih mjera, uputstava i preporuka nadležnih organa, a u svrhu sprečavanja širenja zaraze i zaštite zdravlja stanovništva.



Dostavljeno:

- Ministarstvo zdravstva Kantona Sarajevo,
- Ugovorne zdravstvene ustanove primarne zdravstvene zaštite,
- Web stranica Zavoda,
- Sektor za ekonomiku i finansiranje,
- Sektor pravnih, kadrovskih i opštih poslova,
- Sektora za medicinske i farmaceutske poslove,
- a/a.